



Broj/Број: 01,02-50-1-18-7/07
Sarajevo/Сарајево, 15.11.2007.godine

Z A P I S N I K

7. zajedničke sjednice oba doma Parlamentarne skupštine BiH, održane 13., 14. i 15.11.2007. godine

Prisutni članovi Parlamentarne skupštine BiH: 33 poslanika iz Predstavničkog doma i 10 delegata iz Doma naroda.

Opravdano odsutni poslanici iz Predstavničkog doma: Sead Jamakosmanović, Šefik Džaferović, Ekrem Ajanović, Adem Huskić, Jozo Krizanović, Mirjana Malić, Vinko Zorić, Drago Kalabić i Mirko Okolić.

Opravdano odsutni delegati iz Doma naroda: Branko Zrno, Hazim Rančić, Dušanka Majkić i Adem Ibrahimpašić i Slobodan Šaraba.

Prisutni članovi Vijeća ministara BiH: Nikola Špirić, predsjedavajući Vijeća ministara BiH u ostavci, Tarik Sadović, ministar sigurnosti BiH, Bariša Čolak, ministar pravde BiH, Slobodan Puhalc, ministar vanjske trgovine i ekonomskih odnosa BiH, Sredoje Nović, ministar civilnih poslova BiH, Safet Halilović, ministar za ljudska prava i izbjeglice BiH, Ana Trišić-Babić, zamjenica ministra vanjskih poslova BiH, i Marina Pendeš, zamjenica ministra odbrane BiH.

Ostali prisutni: predstavnici međunarodnih organizacija u Bosni i Hercegovini – OHR-a, OSCE-a, EUSR-a, DFID-a, predstavnici nevladinih organizacija CCI-a i NDI-a, predstavnici Ambasade SAD-a .

Sjednica je počela u 13,45 sati.

Sjednicu je otvorio i njome predsjedavao Milorad Živković, predsjedavajući Predstavničkog doma Parlamentarne skupštine BiH, koji je upoznao prisutne da je za sjednicu predviđena samo jedna tačka dnevnog reda, te da će, nakon obraćanja Nikole Špirića, biti otvorena rasprava.

Pošto nije bilo primjedbi na izneseni prijedlog, Milorad Živković konstatirao je da je usvojen sljedeći

D N E V N I R E D

- 1. Obraćanje predsjedavajućeg Vijeća ministara BiH Nikole Špirića u ostavci povodom aktuelne političke situacije.**

Nikola Špirić je na početku svog izlaganja istakao da je, 11.1.2007., u Predstavničkom domu Parlamentarne skupštine BiH održao svoj programski govor u kojem je akcenat stavio na sve stanovnike Bosne i Hercegovine koji su zaslužili predah u nizu neuspješnih godina i koji su iznad svega zaslužili da žive bolje i sretnije. Deset mjeseci poslije prvog izlaganja izrađen je Izvještaj o radu Vijeća ministara BiH na 88 strana u kojem je dat prikaz rada Vijeća ministara BiH o onome što je urađeno za prvih deset mjeseci.

Obrazlažući Izvještaj, Nikola Špirić naglasio je da je od 9.2.2007. održano 26 sjednica Vijeća ministara BiH na kojima je: utvrđeno 38 nacrti i prijedloga zakona, potvrđeno 20 pravilnika; usvojeno 47 prijedloga odluka o ratifikaciji međunarodnih ugovora; usvojeno 75 prijedloga nacrti osnova za vođenje pregovora i zaključivanje ugovora; utvrđeno 11 prijedloga za određivanje potpisnika ugovora; utvrđeno 9 prijedloga sporazuma; prihvaćeno 7 inicijativa za vođenje pregovora u svrhu zaključivanja sporazuma; doneseno 113 odluka; usvojeno 34 rješenja o imenovanjima i razrješenjima; usvojeno 75 informacija, 70 izvještaja i 18 programa rada. Iznoseći pozitivne rezultate proteklog rada Vijeća ministara BiH, posebno je istakao da je pokrenuta reforma javne uprave, održana makroekonomska stabilnost i projektovana stopa ekonomskog rasta., potpisan Sporazum o olakšavanju viznog režima sa EU, osigurano da Sarajevo bude sjedište Vijeća za regionalnu saradnju, utvrđen Prijedlog zakona o srednjem stručnom obrazovanju i obuci, Nacrt zakona o sportu, Prijedlog zakona o poljoprivredi, prehrambenom i ruralnom razvoju, Prijedlog zakona o vinu i rakiji i drugim proizvodima od grožđa i vina, te odluke o ratifikaciji CEFTA-e.

U nastavku izlaganja Nikola Špirić osvrnuo se na stanje u zemlji nastalo nametnutim odlukama visokog predstavnika za BiH, od 19.10.2007.

U raspravi o ovoj tački dnevnog reda učestvovali su: Sulejman Tihić, Bakir Izetbegović, Zlatko Lagumdžija, Mladen Ivanić, Azra Hadžiahmetović i Nikola Špirić.

Poslovničku intervenciju ili korekciju citata (repliku) imali su:

- nakon izlaganja Bakira Izetbegovića – Slavko Jovičić;
- nakon izlaganja Zlatka Lagumdžije – Milorad Živković, Bakir Izetbegović, Ivo Miro Jović, Zlatko Lagumdžija, Drago Ljubičić;
- nakon izlaganja Mladena Ivanića – Zlatko Lagumdžija, Mladen Ivanić, Martin Raguž, Božo Rajić, Hilmo Neimarlija, Lazar Prodanović, Momčilo Novaković, Denis Bećirović, Alma Čolo, Milorad Živković;
- nakon izlaganja Azre Hadžiahmetović – Denis Bećirović, Sulejman Tihić, Beriz Belkić, Sadik Ahmetović, Hilmo Neimarlija, Snježana Rajilić;
- nakon izlaganja Nikole Špirića – Niko Lozančić, Ivo Miro Jović, Branko Dokić, Milica Marković.

Zlatko Lagumdžija je, u okviru svog izlaganja, predložio sljedeći

Z A K L J U Č A K

"Zadužuju se Vijeće ministara BiH i Ministarstvo vanjskih poslova BiH da obavijeste nadležne organe Republike Hrvatske da se glasanje na izborima za Sabor Republike Hrvatske na teritoriji Bosne i Hercegovine može obavljati u svim diplomatsko-konzularnim predstavništvima Republike Hrvatske u skladu s njihovim zahtjevom, od 7.8.2007., i odlukom Vijeća ministara BiH, od 16.10.2007.

Stavlja se van snage saglasnost za glasanje na dodatna 124 biračka mjesta po zahtjevu Republike Hrvatske, od 26.10.2007., data nakon zakonom definiranog roka."

Mladen Ivanić je, u okviru svog izlaganja, predložio sljedeće

ZAKLJUČKE

1. "Parlamentarna skupština BiH izražava razumijevanje za razloge koji su opredijelili predsjedavajućeg Vijeća ministara BiH da podnese ostavku.
2. Parlamentarna skupština BiH traži od lidera skupštinske većine da u roku od sedam dana razmotre trenutnu situaciju izazvanu odlukom visokog predstavnika i nađu zajednički odgovor na krizu.
3. Parlamentarna skupština BiH poziva visokog predstavnika da odgovornost za upravljanje zemljom vrati u Parlamentarnu skupštinu BiH i druge domaće institucije."

Klub poslanika Stranke za Bosnu i Hercegovinu, u okviru ove tačke dnevnog reda, predložio je sljedeće

ZAKLJUČKE

1. "Parlamentarna skupština BiH – Predstavnički dom i Dom naroda potvrđuju činjenicu da je visoki predstavnik u Bosni i Hercegovini dio ustavnopravnog sistema Bosne i Hercegovine, a zakoni i odluke koje donosi dio su ukupne legislative Bosne i Hercegovine koje je obavezno provoditi.
2. Parlamentarna skupština BiH će Zakon o izmjenama i dopunama Zakona o Vijeću ministara BiH, kao i ostale zakone koje je donio visoki predstavnik usvojiti u istovjetnom tekstu.
3. Poziva se predsjedavajući i članovi Vijeća ministara BiH u ostavci da nastave raditi i izvršavati obaveze utvrđene Ustavom BiH i Zakonom o Vijeću ministara BiH do izbora novog Vijeća ministara BiH.
4. Izmjene i dopune poslovnika o radu oba doma koje je ponudio visoki predstavnik bit će odmah stavljene u proceduru i o njima će se izjasniti Parlamentarna skupština BiH.
5. Pozivaju se predsjednici političkih stranaka koje čine parlamentarnu većinu da hitno otvore proces konsultacija s ciljem predlaganja mandataru, odnosno predsjedavajućeg Vijeća ministara BiH."

Milorad Živković je, u vezi sa zahtjevima ministara u Vijeću ministara BiH da se uključe u raspravu, istakao da članovi Parlamentarne skupštine BiH treba da se izjasne o načinu nastavka rada na sjednici. Predložio je da se glasa o tome da li će se dozvoliti ministrima i zamjenicima predsjedavajućeg Vijeća ministara BiH da se obrate Parlamentarnoj skupštini BiH, te da li će svi poslanici i delegati koji su se prijavili za raspravu izlagati danas.

Poslovnički intervenciju na izneseni prijedlog imali su:

- Denis Bećirović, koji je predložio ili da se direktan prijenos sjednice nastavi ili da se izlaganje ostalih prijavljenih nastavi za sljedeći dan, također uz direktan prijenos;
- Zlatko Lagumdžija, koji je zatražio da se glasa o tome da li da se sjednica nastavi.

Milorad Živković pozvao je članove Parlamentarne skupštine BiH da glasaju o:

"Ko je za to da se sjednica nastavi i da se ministrima i zamjenicima predsjedavajućeg Vijeća ministara BiH dozvoli da učestvuju u raspravi na sjednici?"

Prijedlog su usvojila oba doma Parlamentarne skupštine BiH, a rezultati glasanja su sljedeći:

Predstavnički dom

"za"	19	10 FBiH	9 RS
"protiv"	12		
"suzdržan"	1		

Dom naroda

"za"	7
"protiv"	1
"suzdržan"	1

U nastavku rasprave o ovoj tački dnevnog reda učestvovao je Tarik Sadović, ministar sigurnosti BiH.

Poslovničku intervenciju ili korekciju citata (repliku) imali su:

- nakon izlaganja Tarika Sadovića – Momčilo Novaković, Mladen Ivanić, Božo Rajić, Snježana Rajilić, Sadik Ahmetović.

Zbog nepostojanja kvoruma za nastavak sjednice, predsjedavajući je, u 17,30 sati, dao pauzu u trajanju od 15 minuta.

Sjednica je nastavljena u 17,55 sati.

Milorad Živković je u nastavku sjednice upoznao prisutne s prijedlogom Zajedničkog kolegija oba doma Parlamentarne skupštine BiH da se sjednica nastavi 14.11.2007., s početkom u 10 sati.

Sjednica je prekinuta u 18 sati.

Nastavak 7. zajedničke sjednice oba doma Parlamentarne skupštine BiH, održan 14.11.2007., s početkom u 10.15 sati.

Prisutni članovi Parlamentarne skupštine BiH: 36 poslanika iz Predstavničkog doma i 13 delegata iz Doma naroda.

Opravdano odsutni poslanici iz Predstavničkog doma: Adem Huskić, Mirjana Malić, Vinko Zorić, Savo Erić, Jozo Križanović i Remzija Kadrić.

Opravdano odsutni delegati iz Doma naroda: Branko Zrno i Adem Ibrahimpašić.

Prisutni članovi Vijeća ministara BiH: Tarik Sadović, ministar sigurnosti BiH, Bariša Čolak, ministar pravde BiH, Slobodan Puhac, ministar vanjske trgovine i ekonomskih odnosa BiH, Sredoje Nović, ministar civilnih poslova BiH, Safet Halilović, ministar za ljudska prava i izbjeglice BiH, Ana Trišić-Babić, zamjenica ministra vanjskih poslova BiH, i Marina Pendeš, zamjenica ministra odbrane BiH.

Ostali prisutni: predstavnici međunarodnih organizacija u Bosni i Hercegovini – OHR-a, OSCE-a, EUSR-a, DFID-a, predstavnici nevladinih organizacija CCI-a i NDI-a, predstavnici Ambasade SAD-a .

Nastavkom 7. zajedničke sjednice oba doma Parlamentarne skupštine BiH predsjedavao je Milorad Živković, predsjedavajući Predstavničkog doma Parlamentarne skupštine BiH.

U uvodnom izlaganju Milorad Živković pročitao je listu prijavljenih poslanika i delegata za raspravu o tački dnevnog reda.

U raspravi o usvojenoj tački dnevnog reda učestvovali su: Rifat Dolić, Lazar Prodanović, Selim Bešliagić, Martin Raguž i Momčilo Novaković.

Poslovničku intervenciju ili korekciju citata (repliku) imali su:

- nakon izlaganja Rifata Dolića – Sefer Halilović, Slavko Jovičić, Sadik Bahtić, Denis Bećirović, Rifat Dolić, Branko Dokić;
- nakon izlaganja Lazara Prodanovića – Sadik Ahmetović;
- nakon izlaganja Selima Bešliagića – Alma Čolo, Milica Marković, Selim Bešliagić;
- nakon izlaganja Martina Raguža – Zlatko Lagumdžija, Martin Raguž, Rudo Vidović, Ivo Miro Jović, Denis Bećirović, Jerko Ivanković Lijanović, Božo Rajić;
- nakon izlaganja Momčila Novakovića – Niko Lozančić, Snježana Rajilić.

Lazar Prodanović je, u okviru svog izlaganja, u ime Kluba poslanika SNSD-a, predložio sljedeću

D E K L A R A C I J U
o odluci visokog predstavnika za Bosnu i Hercegovinu

1. "Parlamentarna skupština BiH smatra da je visoki predstavnik odlukama i zahtjevima, od 19.10.2007., prekoračio ovlaštenja iz Aneksa X. Dejtonskog sporazuma kao i sva druga ovlaštenja proširena zaključcima Vijeća za provođenje mira, tzv. bonska ovlaštenja.
2. Parlamentarna skupština BiH cijeni da je Odluka o donošenju Zakona o izmjenama i dopunama Zakona o Vijeću ministara BiH, od 19.10.2007., u suprotnosti s Aneksom IV. Dejtonskog sporazuma kao i zahtjev s predloženim izmjenama i dopunama Poslovnika Predstavničkog doma i Doma naroda Parlamentarne skupštine BiH.
3. Parlamentarna skupština BiH poziva Vijeće za provođenje mira da stavi van snage svoje zaključke iz Bona (XI. Visoki predstavnik) i preispita ulogu i daljnji angažman institucije visokog predstavnika i OHR-a u Bosni i Hercegovini.
4. Parlamentarna skupština BiH traži od Predsjedništva BiH da obavijesti generalnog sekretara Ujedinjenih naroda o tome da je visoki predstavnik povrijedio Dejtonski / Pariski sporazum.
5. Parlamentarna skupština BiH poziva sve institucije vlasti, na svim nivoima u Bosni i Hercegovini, da ne dozvole ugrožavanje ustavnog poretka zemlje i narušavanje njenog integriteta i svim zakonskim sredstvima osiguraju stabilnost i mir u zemlji."

Niko Lozančić je, u okviru korekcije citata (replike) na izlaganje Momčila Novakovića, predložio sljedeće

Z A K L J U Č K E

1. "Parlamentarna skupština BiH primila je k znanju razloge i povode za podnošenje ostavke predsjedavajućeg Vijeća ministara BiH Nikole Špirića, te činjenicu da je Predsjedništvo BiH prihvatilo ostavku.

2. Parlamentarna skupština BiH poziva Predsjedništvo BiH da maksimalno ubrza konsultacije o sastavu Vijeća ministara BiH te o rezultatima hitno obavijesti Parlamentanu skupštinu BiH.
3. Parlamentarna skupština BiH traži od aktuelnog sastava Vijeća ministara BiH da u potpunosti izvršava svoje ustavne i zakonske funkcije do imenovanja novog saziva Vijeća ministara BiH.
4. Parlamentarna skupština BiH traži od svih političkih subjekta u BiH da učine sve s ciljem normaliziranja prilika u BiH te osiguranja uslova za potpisivanje Sporazuma o stabilizaciji i pridruživanju."

Zbog rotacije na dužnosti predsjedavajućeg Doma naroda, Milorad Živković je u 11,50 sati najavio pauzu do 12,30 sati.

Sjednica je nastavljena u 12,50 sati.

U nastavku rasprave o usvojenoj tački dnevnog reda učestvovali su Jerko Ivanković Lijanović i Sefer Halilović.

Poslovničku intervenciju ili korekciju citata (repliku) imali su:

- nakon izlaganja Sefera Halilovića – Milorad Živković, Milica Marković, Sadik Bahtić, Momčilo Novaković, Alma Čolo, Ivo Miro Jović, Sefer Halilović, Sadik Ahmetović, Bakir Izetbegović.

Jerko Ivanković Lijanović je, u okviru svog izlaganja, predložio sljedeći

Z A K L J U Č A K

"Zadužuju se ustavnopravne komisije Predstavničkog doma i Doma naroda Parlamentarne skupštine BiH da pripreme izmjene i dopune potrebnih zakona kako bi se mogli održati prijevremeni opći izbori u BiH i upute ih u parlamentarnu proceduru po hitnom postupku, kako bi mogli biti usvojeni te kako bi mogli biti raspisani prijevremeni izbori, ako u roku od 30 dana ne dobijemo novo Vijeće ministara."

U ime Kluba poslanika SDS-a, Momčilo Novaković zatražio je pauzu.

Sjednica je nastavljena u 14,20 sati.

Momčilo Novaković obrazložio je prisutnima svoj zahtjev za pauzu i iznio konstataciju da u Domu naroda nema dovoljno delegata za kvorum kako bi bila nastavljena sjednica Parlamentarne skupštine BiH.

Milorad Živković citirao je odredbu Ustava BiH o kvorumu za rad Doma naroda, nakon čega je naglasio da se sjednica nastavlja.

Sjednica je nastavljena s poslovničkim intervencijama ili korekcijama citata (replike) koje su, nakon izlaganja Sefera Halilovića, imali: Zlatko Lagumdžija, Slavko Jovičić, Denis Bećirović, Beriz Belkić, Bakir

Izetbegović, Husein Nanić, Azra Alajbegović, Mladen Ivanić, Momčilo Novaković, Azra Hadžiahmetović, Milica Marković, Branko Dokić, Ekrem Ajanović i Lazar Prodanović.

U nastavku rasprave o usvojenoj tački dnevnog reda učestvovali su: Denis Bećirović, Božo Rajjić, Branko Dokić, Jovan Todorović, Slavko Matić, Slavko Jovičić.

Poslovničku intervenciju ili korekciju citata (repliku) imali su:

- nakon izlaganja Branka Dokića – Alma Čolo, Azra Hadžiahmetović, Sadik Ahmetović, Momčilo Novaković, Hilmo Neimarlija, Sefer Halilović, Branko Dokić.

Branko Dokić je, u okviru svog izlaganja, predložio sljedeći

Z A K L J U Č A K

"Parlamentarna skupština BiH obavezuje se da će Bosna i Hercegovina, u svojstvu članice Vijeća Evrope, poštovati Evropsku konvenciju o ljudskim pravima. U tom smislu Parlamentarna skupština BiH će, do kraja godine, otvoriti raspravu o svim pitanjima koja nisu u skladu s Konvencijom i usvojiti akcioni plan za njihovo usaglašavanje."

Klub poslanika SDA je, u okviru ove tačke dnevnog reda, predložio sljedeće

Z A K L J U Č K E

1. "Parlamentarna skupština BiH prima na znanje ostavku predsjedavajućeg Vijeća ministara BiH.
2. Predsjedavajući i članovi Vijeća ministara BiH u ostavci pozivaju se da nastave raditi i izvršavati obaveze utvrđene Ustavom BiH i zakonom do izbora novog saziva Vijeća ministara BiH.
3. Parlamentarna skupština BiH poziva političke stranke, naročito parlamentarnu većinu, na unutrašnji dijalog i rješavanje aktuelnih problema, posebno izbor novog Vijeća ministara BiH i ispunjavanje uslova za potpisivanje Sporazuma o stabilizaciji i pridruživanju EU.
4. Parlamentarna skupština BiH zalaže se za institucionalno rješavanje ovih (i svih drugih) pitanja, uz uvažavanje pozicije i ovlaštenja visokog predstavnika. Shodno tome, obavezni smo prihvatiti i provoditi i najnovije odluke visokog predstavnika.
5. Parlamentarna skupština BiH odlučno odbacuje pokušaje dovođenja u vezu rješavanja budućeg statusa Kosova s unutrašnjim pitanjem.

Ivo Miro Jović je, u okviru ove tačke dnevnog reda, predložio sljedeći

Z A K L J U Č A K

"Parlamentarna skupština BiH poziva Kolegij oba doma na hitno održavanje sastanka s jednom tačkom dnevnog reda:

- Rasprava i zauzimanje stava o usvojenom zaključku Predsjedništva BiH na sjednici od 12. novembra 2007., koji govori o daljnjem radu Vijeća ministara BiH."

Sjednica je prekinuta u 17 sati.

Drugi nastavak 7. zajedničke sjednice oba doma Parlamentarne skupštine BiH, održan 15.11.2007. , s početkom u 10,10 sati

Prisutni članovi Parlamentarne skupštine BiH: 34 poslanika iz Predstavničkog doma i 14 delegata iz Doma naroda.

Opravdano odsutni poslanici iz Predstavničkog doma: Sead Jamakosmanović, Mirjana Malić, Rifat Dolić, Snježana Rajilić, Savo Erić, Remzija Kadrić, Sadik Ahmetović i Šemsudin Mehmedović.

Opravdano odsutni delegati iz Doma naroda: Adem Ibrahimpašić.

Prisutni članovi Vijeća ministara BiH: Tarik Sadović, ministar sigurnosti BiH, Dragan Vrankić, ministar finansija i trezora BiH, Bariša Čolak, ministar pravde BiH, Slobodan Puhalac, ministar vanjske trgovine i ekonomskih odnosa BiH, Sredoje Nović, ministar civilnih poslova BiH, Fuad Kasumović, zamjenik ministra finansija i trezora BiH.

Ostali prisutni: predstavnici međunarodnih organizacija u Bosni i Hercegovini – OHR-a, OSCE-a, EUSR-a, DFID-a, predstavnici nevladinih organizacija CCI-a i NDI-a, predstavnici Ambasade SAD-a .

Drugim nastavkom 7. zajedničke sjednice oba doma Parlamentarne skupštine BiH predsjedavao je Milorad Živković, predsjedavajući Predstavničkog doma Parlamentarne skupštine BiH.

Poslovničku intervenciju na početku sjednice imao je Zlatko Lagumdžija, koji je, u ime Kluba poslanika SDP-a i BPS-a, zbog odsustva predsjedavajućeg Vijeća ministara BiH u ostavci, imajući u vidu tačku dnevnog reda sjednice, predložio da se sjednica prekine. Zatražio da se Zajednički kolegij oba doma izjasni o iznesenom prijedlogu, ističući da poslanici SDP-a i BPS-a neće dalje učestvovati u raspravi na sjednici Parlamentarne skupštine BiH. Nakon iznošenja prijedloga, Zlatko Lagumdžija je, u ime Kluba poslanika SDP-a, zatražio pauzu u trajanju od pet minuta.

Predsjedavajući je u 10, 20 sati najavio pauzu.

Sjednica je nastavljena u 10, 30 sati.

U nastavku sjednice Sulejman Tihiić zatražio je da se o prijedlogu Kluba poslanika SDP-a provede glasanje.

Milorad Živković konstatirao je da u Kolegiju Predstavničkog doma postoji saglasnost da se sjednica nastavi, te da se o prijedlogu izjašnjavaju samo delegati u Domu naroda, pošto saglasnost ne postoji među članovima Kolegija Doma naroda.

O pitanju da li treba ili ne nastaviti sjednicu u odsustvu predsjedavajućeg Vijeća ministara BiH u ostavci raspravljali su: Bakir Izetbegović, Branko Dokić, Drago Kalabić, Momčilo Novaković, Sulejman Tihiić, Niko Lozančić, Šefik Džaferović, Hazim Rančić, Vinko Zorić, Azra Hadžiahmetović, Sadik Bahtiić i Velimir Jukić.

Predsjedavajući je, u 11 sati, najavio pauzu kako bi se poslanici i delegati, prije izjašnjavanja o nastavku sjednice, vratili u salu.

Sjednica je nastavljena u 11,15 sati.

U nastavku sjednice Milorad Živković pozvao je članove Parlamentarne skupštine BiH da glasaju o tome:

"Da li će sjednica biti nastavljena ili prekinuta?"

Oba doma Parlamentarne skupštine BiH usvojila su odluku da se sjednica nastavi, a rezultati glasanja su sljedeći:

Predstavnički dom

"za"	19	11 FBiH	8 RS
"protiv"	5		
"suzdržan"	1		

Dom naroda

"za"	7
"protiv"	3
"suzdržan"	0

U nastavku rasprave o usvojenoj tački dnevnog reda učestvovali su: Rudo Vidović, Hadži Jovan Mitrović, Husein Nanić, Milica Marković, Zoran Koprivica, Drago Ljubičić, Beriz Belkić, Dušanka Majkić, Velimir Jukić, Halid Genjac, Niko Lozančić, Šefik Džaferović, Drago Kalabić i Milorad Živković.

Poslovničku intervenciju ili korekciju citata (repliku) imali su:

- nakon izlaganja Huseina Nanića – Branko Dokić, Hadži Jovan Mitrović, Azra Hadžiahmetović;
- nakon izlaganja Beriza Belkića – Branko Dokić, Ekrem Ajanović;
- nakon izlaganja Halida Genjca – Slavko Jovičić, Vinko Zorić, Ivo Miro Jović, Alma Čolo;
- nakon izlaganja Nike Lozančića – Momčilo Novaković, Niko Lozančić, Martin Raguž, Hilmo Neimarlija;
- nakon izlaganja Šefika Džaferovića – Momčilo Novaković;
- nakon izlaganja Drage Kalabića – Slavko Matić, Adem Huskić, Drago Kalabić, Bakir Izetbegović

Rudo Vidović je, u okviru svog izlaganja, predložio sljedeće

Z A K L J U Č K E

1. "Parlamentarna skupština BiH traži od Predsjedništva BiH da, zajedno s Vijećem ministara BiH, napravi hodogram prioriteta, a prvi je, na osnovu Mostarske deklaracije, da se u proceduru uputi Zakon o reformi policije i to prije 15.12.2007., kada se održava Samit Evropske unije, na kojem se donose političke odluke, te bi mogla biti donesena i pozitivna odluka za parafiranje Sporazuma o stabilizaciji i pridruživanju.
2. Istovremeno, otvoriti razgovore za reformu Ustava BiH sa jasno definiranom dinamikom.
3. Parlamentarna skupština BiH obavezuje sve potpisnike na poštivanje izjave o evropskom putu."

Husein Nanić je, u okviru svog izlaganja, predložio sljedeći

Z A K L J U Č A K

"Poslanici Parlamentarne skupštine BiH zadužuju Zajednički kolegij oba doma Parlamentarne skupštine BiH da razmotri sve ponuđene zaključke poslanika i ponudi usaglašene zaključke na izjašnjavanje Parlamentarnoj skupštini BiH."

Zoran Koprivica je, u okviru svog izlaganja, predložio sljedeći

Z A K L J U Č A K

"Prihvata se izvještaj o radu Vijeća ministara BiH za proteklih 10 mjeseci i izražava zahvalnost i podrška predsjedavajućem Nikoli Špiriću za sve ostvarene rezultate Vijeća ministara BiH, te izražava razumijevanje za razloge podnošenja ostavke, uz konstataciju da je riječ o demokratskom činu Nikole Špirića u pokušaju traženja rješenja za ukupnu situaciju u BiH."

Dušanka Majkić je, u okviru svog izlaganja, predložila sljedeći

Z A K L J U Č A K

"Da se sačini prijedlog zaključaka koji bi bili usaglašeni na zajedničkoj sjednici kolegija oba doma, a upotpunjeni s predsjedavajućim klubova oba doma. Usaglašeni zaključci bit će dostavljeni domovima na usvajanje."

Velimir Jukić je, u okviru svog izlaganja, predložio sljedeći

Z A K L J U Č A K

"Parlamentarna skupština BiH traži od čelnika parlamentarnih političkih stranaka (i drugih) da što prije počnu razgovore o izradi novog ustava BiH, a što je i na tragu sadržaja Mostarske deklaracije."

Drago Kalabić je, u okviru svog izlaganja, predložio sljedeći

Z A K L J U Č A K

"Parlamentarna skupština BiH traži od kolegija oba doma da usaglasí prijedloge poslovnika o radu Predstavničkog doma kao i Doma naroda te takve usaglašene prijedloge dostavi na usvajanje prije 1.12.2007.

U slučaju da ne postignu konsenzus o prijedlogu poslovnika, pozivaju se članovi kolegija oba doma da ponude ostavke kao moralni čin vlastite odgovornosti u ovoj situaciji."

Milorad Živković je, u okviru svog izlaganja, predložio sljedeće

Z A K L J U Č K E

1. "Zadužuje se Zajednički kolegij oba doma da napravi usaglašeni prijedlog poslovnika domova, najkasnije do 27.11.2007. U slučaju nepostizanja konsenzusa o ovom pitanju, svi članovi oba kolegija podnijet će neopozive ostavke.
2. Upućuje se preporuka Vijeću ministara BiH da u praksi ne koristi odredbe nametnutog zakona i nastavi raditi u tehničkom mandatu po starom Zakonu o Vijeću ministara BiH dok Parlamentarna skupština BiH ne imenjuje novi saziv Vijeća ministara BiH.
3. Parlamentarna skupština BiH poziva visokog predstavnika na konstruktivan dijalog bez nadmetanja ili uslovljavanja rješenja u duhu normalizacije stanja i stvaranja pozitivne parlamentarne atmosfere.
4. Apelira se na lidere parlamentarnih stranaka da ulože najveće napore kako bi dogovor iz Mostara pretočili u odgovarajući dokument najkasnije do kraja ove godine, a koji bi zadovoljio zahtjev Evropske komisije i doveo do parafiranja Sporazuma o stabilizaciji i pridruživanju Bosne i Hercegovine s Evropskom unijom."

Predsjedavajući je u 15 sati najavio pauzu do 16 sati.

Sjednica je nastavljena u 16,10 sati.

U nastavku sjednice, predsjedavajući sjednicom upoznao je prisutne da Zajednički kolegij oba doma Parlamentarne skupštine BiH nije bio u mogućnosti u roku od sat vremena pauze kvalitetno razmotriti veliki broj zaključaka, diskusija, predloženih deklaracija i ostalih materijala, ističući da će svaki od kolegija domova predložiti u okviru svoga doma usaglašene zaključke. Ovim je predsjedavajući zaključio sjednicu.

Sjednica je završena u 16,15 sati.

Sastavni dio ovog zapisnika je transkript 7. zajedničke sjednice oba doma Parlamentarne skupštine BiH.

Sekretar
Predstavničkog doma
Branka Todorović

Predsjedavajući
Predstavničkog doma
Milorad Živković